

346 Unde vrâgte in, wes er wânde,
 warumbe er sich sinnes ânde.
 si sprach hin zim: »wæret ir sô alt,
 daz under schilde wäre bezalt
 5 in werdeclîchen stunden
 mit helm üf houbet gebunden
 gein herteclîchen vâren
 iwer tage in vînf jâren,
 daz ir den prîs dâ hetet genomen,
 10 unt wæret ir danne wider komen,
 ze mînem gebote gewesen dâ,
 spræche ich denne alrêste jâ,
 des iwer wille gerte,
 al ze vruo ich iuch gewerte.
 15 Ir sít mir liep, wer lougent des,
 als Annoren Galoes,
 diu sít den tôt durch in erkôs,
 dô si in von einer tjost verlös.«
 »ungern ich«, sprach er, »vrouwe,
 20 iuch sô bî liebe schouwe,
 daz iwer zürnen üf mich gêt.
 gnâde doch bîme dienste stêt,
 swer triwe rehte mezzen wil.
 vrouwe, des ist iu gar ze vil,
 25 daz ir mînen sin sus smâhet;
 ir habt iuch gar vergâhet.
 ich möhte doch des genozzen hân,
 daz iwer vater ist mîn man
 unt daz er hât von mîner hant
 30 manege burc unt al sîn lant.«

sich *om.* *T (*nur T*)

daz iu u. *T (*nur T*)

an werdeclîcher (*werdeclîchen V*) st. *T

i. t. (tât *T) gein v. j., *G (*T) (*nur T*)

hetir den pr. al dâ g., *T (*nur T*)

wider k. *T

in m. *G unde in m. *T

sam A. G., *G · als Anfolen (*amoren V*) G., *T

tôt nách im (*om. T*) e., *T (*ohne V*) (O L Z)

dô sin an e. (ein L) *G *T

ich *om.* *T O

iuwer zorn üf *T I

bî dienste *G (*nur GIO*) *T

vr., es ist (ist ez I ez ist T) *G *T

ich m. des d. g. hân, *T (*nur T*)

*D: D *m: m *G: G I O L Z Fr22 (346.1-2) *T: T (*ohne 346.16*) V

1 *Initiale D L Z Fr22* **3** *Initiale G O T* **15** *Initiale I · Majuskel D* **19** *Majuskel T*

19 ich] *om.* *m **24** des] es *m **27** möhte] mohte D